



REPUBLIKA E SHQIPËRISË
AUTORITETI I KONKURENCËS
KOMISIONI I KONKURENCËS

VENDIM

Nr. 805, Datë 04.06.2021

“ MBI AUTORIZIMIN E PËRQENDRIMIT TË REALIZUAR NËPËRMJET PËRFTIMIT TË KONTROLLIT TË PËRBASHKËT MBI SHOQËRINË DIGITAL CHARGING SOLUTION GMBH (JV), NËPËRMJET BLERJES TË AKSIONEVE NGA SHOQËRIA BP EUROPA SE.”

Komisioni i Konkurrencës me pjesëmarrjen e:

Znj. Juliana LATIFI	Kryetar	
Znj. Leida MATJA	Zv/Kryetar	
Z. Eduard YPI	Anëtar	
Znj. Adriana BERBERI	Anëtar	Në mbledhjen e tij të datës 04.06.2021, shqyrtoi çështjen me:
Z. Denar BIBA	Anëtar	

Objekti: Autorizimi i përqendrimit të realizuar nëpërmjet përfimit të kontrollit të përbashkët mbi shoqërinë Digital Charging Solution GmbH (JV), nëpërmjet blerjes të aksioneve nga shoqëria BP Europa SE.

Baza Ligjore: Nenet 2, 10-12, neni 24, germa d, dhe nenet 53-64 të ligjit nr. 9121, datë 28.07.2003 “Për mbrojtjen e konkurrencës”, i ndryshuar; Rregullorja “Për zbatimin e procedurave të përqendrimit të ndërmarrjeve”; Udhëzimi “Për formën e njoftimit të përqendrimit” dhe Formulari i njoftimit të përqendrimit.

Komisioni i Konkurrencës, pas shqyrtimit të relacionit të Sekretarit të Përgjithshëm si dhe raportit të Drejtorisë së Analizës dhe Metodologjisë së Tregjeve, mbi njoftimin e përqendrimit të realizuar nëpërmjet përfimit të kontrollit të përbashkët mbi shoqërinë Digital Charging Solution GmbH (JV), nëpërmjet blerjes të aksioneve nga shoqëria BP Europa SE.

VËREN SE :

Transaksioni dhe procedura

Pranë Autoritetit të Konkurrencës, është depozituar njoftimi mbi përfitim e kontrollit të përbashkët mbi shoqërinë Digital Charging Solution GmbH (JV), nga shoqëria BP Europa SE.

Më datë 29 mars 2021, palët kanë nënshkruar një Marrëveshje Investimi.

BP Europa SE është një shoqëri aksionare, e themeluar sipas legjislacionin Gjerman, me objekt veprimtarie; nxjerrja, përfitimi, përpunimi, magazinimi, transporti dhe shpërndarja e gazit, naftës së përpunuar, gazit natyror dhe mineraleve të tjera, etj. BP Europa SE, është një filial indirekt i BP p.l.c., në Mbretërinë e Bashkuar.

BP p.l.c. realizon të ardhura në Shqipëri nëpërmjet shoqërisë së zotëruar prej saj, **Air BP Albania**, një shoqëri aksionare, me objekt aktiviteti; Veprime biznesi në fushën e tregtimit me shumicë të lëndëve djegëse për mjetet e fluturimit ajror reaktive si dhe karburanteve për avionë dhe mjete motorike si dhe çdo veprimtari tjetër ekonomike që do të konsiderohet e nevojshmedhe e dobishme për shoqërinë.

Digital Charging Solution GmbH(JV) është një shoqëri me përgjegjësi të kufizuar, e themeluar sipas legjislacionit gjerman, me seli në Berlin, me objekt aktiviteti; zhvillimi, tregtimi dhe shitja e produkteve dhe shërbimeve në fushën e lëvizjes, veçanërisht ofrimi i shërbimeve të informacionit dhe aksesit teknologjik në infrastrukturën e karikimit elektrik për makina elektrike dhe hibride dhe shërbime për funksionimin e rrjetit të stacioneve të karikimit për automjetet elektrike dhe hibride.

Shoqëria Digital Charging Solution GmbH nuk është prezente në Shqipëri.

Aktualisht aksionet në shoqërinë Digital Charging Solution GmbH zotërohen 100% nga shoqëria Your NOW Holding GmbH.

Your NOW Holding GmbH është një shoqëri e themeluar sipas legjislacionit Gjerman. Shoqëria zotërohet nga BMV INTEC Beteiligungs GmbH dhe Daimler Mobility Services GmbH nga 50% të aksioneve të shoqërisë Your NOW Holding GmbH secila.

Digital Charging Solution GmbH(JV), kontrollohet bashkërisht indirekt nga Bayerische Motoren Werke Aktiengesellschaft dhe Daimler AG.

Bayerische Motoren Werke Aktiengesellschaft (BMW), është një shoqëri e regjistruar në Mynih, Gjermani, me objekt aktiviteti; Prodhimi dhe shitja e motorëve dhe automjeteve të pajisura me to, aksesorëve të tyre, makinerive dhe produkteve metalurgjike, si dhe ofrimi i shërbimeve në lidhje me sa sipër.

BMV nuk ka filial të regjistruar në Shqipëri, por realizon të ardhura në Shqipëri nëpërmjet distributorit të saj H.L.– GROUP SHPK.

Daimler AG (Daimler), është një shoqëri aksionare, e themeluar sipas legjislacionit Gjerman, me objekt veprimtarie; veprim i drejtpërdrejtë ose i tërthortë në fushën e zhvillimit, prodhimit dhe shpërndarjes së produkteve dhe ofrimit të shërbimeve, veçanërisht në degët si: automjetet, motorët dhe disqet teknike të të gjitha llojeve, përfshirë pjesët dhe aksesorët e tyre, produkte të tjerë

transporti, pajisje elektronike, instalime dhe sisteme, komunikimi dhe teknologjia e informacionit, shërbime dhe koncepte të lëvizshmërisë dhe transportit, shërbime bankare dhe sigurimesh, financiare dhe pagesë si dhe ndërmjetësim dhe sigurim i sigurimeve, menaxhimi dhe zhvillimi i pasurive të paluajtshme.

Daimler nuk ka filial të regjistruar në Shqipëri por realizon të ardhura në vend nëpërmjet distributorit AUTO STAR ALBANIA SHA.

Më datë 29 mars 2021, shoqëritë Your NOW Holding GmbH; BP Europa SE; Digital Charging Solution GmbH; BMV INTEC Beteiligungs GmbH dhe Daimler Mobility Services GmbH, kanë nënshkruar një Marrëveshje Investimi.

Sipas marrëveshjes, shoqëria BP Europa SE do të hyjë si një aksionar i ri kontrollues në shoqërinë Digital Charging Solution GmbH dhe pas përfundimit të transaksionit të propozuar, BMW dhe Daimler së bashku do të mbajnë (indirekt, nëpërmjet Your NOW Holding GmbH) afërsisht 66.67% të kapitalit total të emtuar të shoqërisë Digital Charging Solution GmbH (JV) dhe shoqëria BP Europa SE do të mbajë afërsisht pjesën e mbetur prej 33,33% të kapitalit.

Sipas nenit 10 të Ligjit, si dhe pikës 1.2 “Mënyrat e kontrollit” të Udhëzimit “Mbi kontrollin e përqendrimeve ndërmjet ndërmarrjeve”, përftimi i kontrollit përkufizohet si një mundësi për të ushtruar vendimmarrje në shoqëri dhe nga sa është parashikuar në Marrëveshjen e Investimit, pas implementimit të transaksionit të propozuar, shoqëria Digital Charging Solution GmbH (JV) do të kontrollohet bashkërisht nga BP Europa SE, BMW dhe Daimler.

Referuar dokumentacionit të depozituar, transaksioni plotëson kriteret e përcaktuara edhe në nenin 12, pika 1 germa a) të ligjit nr. 9121, datë 28.07.2003 “Për mbrojtjen e konkurrencës”, i ndryshuar dhe si i tillë kërkohet autorizimi nga Komisioni i Konkurrencës.

Vlerësimi i konkurrencës

Sipas nenit 3, pika 7, të ligjit nr. 9121, datë 28.07.2003 “Për mbrojtjen e konkurrencës”, i ndryshuar, si edhe Udhëzimit nr.76, datë 07.04.2008 “Për përcaktimin e tregut përkatës”, treg përkatës i produktit u konsiderua tregu i të gjitha shërbimeve të lëvizshmërisë elektronike (e-mobility) por duke qenë se transaksioni nuk do të ketë asnjë ndikim në tregun shqiptar si edhe duke iu referuar praktikave të Komisionit Evropian në çështje të ngjashme, tregu përkatës i produktit do të lihet i hapur dhe treg përkatës gjeografik do të konsiderohet territori i Republikës së Shqipërisë.

Transaksioni i propozuar është përftimi i kontrollit të përbashkët mbi shoqërinë Digital Charging Solution GmbH (JV), ndërmjet blerjes së aksioneve nga shoqëria BP Europa SE.

Asnjë nga palët nuk janë aktive në Shqipëri në lidhje me shërbimet e lëvizshmërisë elektronike (e-mobility). Si rrjedhojë, transaksioni i propozuar nuk do të çojë në parandalimin, kufizimin apo shtrembërimin e konkurrencës në Shqipëri.

Përqendrimi nuk do të krijojë mbivendosje ose marrëdhënie të rrjedhës së sipërme apo të poshtme midis aktiviteteve të palëve në nivel kombëtar dhe për këto arsye, transaksioni i synuar nuk do të sjellë asnjë ndryshim dhe nuk do të ketë asnjë ndikim në tregun shqiptar.

PËR KËTO ARSYE:

Komisioni i Konkurrencës, në bazë të nenit 24, shkronja d dhe nenit 56 pika 1 të ligjit nr. 9121, datë 28.07.2003 “Për mbrojtjen e konkurrencës”, i ndryshuar,

VENDOSI:

1. Të autorizojë përqendrimin e realizuar nëpërmjet përftimit të kontrollit të përbashkët mbi shoqërinë Digital Charging Solution GmbH (JV), nëpërmjet blerjes të aksioneve nga shoqëria BP Europa SE.
2. Ngarkohet Sekretari i Përgjithshëm për njoftimin e palëve dhe dërgimin e vendimit pasi të bëhen pagesat që parashikon rregullorja “Për caktimin e shpenzimeve për ndjekjen e procedurave pranë Autoritetit të Konkurrencës”.

Ky vendim hyn në fuqi menjëherë.

KOMISIONI I KONKURRENCËS